

Nunavumi Inminiiktailitjutirhatigut Parnaiyautaitnik Unnipkangit 2013-2014-mi

Ukkua Nunavut Tunngavik Timingat, Nunavut Kavamatkut, Embrace Life Council uvalu Palihimat "V" Havakvikmin ikayuqqatigirhuttik ihuarhaihimayut haffuminga Nunavumi Inminiiktailitjutirhatigut Parnaiyautaitnik (NSPS), hamna hatkitauhimayug Aktupa 2010-mi. Una maliktauhimayug ilauhimayumik Hulitjutikhakkut Hivunikhamik uvunga Saptai 1, 2011min uvunga Maatsi 31, 2014mun. Hamna aulahimaaktuq unipkak uqqautiqqaqtuq hapkuninga havariyauhimaaktunik tatvani 2013-2014-mi.

Nunavumi Inminiiktailitjutirhatigut Parnaiyautaitnik

Havagiyauyumayug:

"Inuit tatva ihumaqaqatangittut inminirhumaqaqattaqluttik ammiraiknikhaungittut kaplunnarin. Ukkua ihumagivlugit tatvalu hamna ukpigirhutjuk, ukkua ikkayuqqatigirhuttik ihumagiyaaqtut tatva hamani Nunavumi hamna inminniqattaqniq aullanginnangittuq taimaralluq, tatva ihumagiyauyuq ajikkutagiyariyait hapkua Kanatamiuttat tamattikhimallugit – uvalunin ikkitqiyauyungnarhiyut. Hamna ihumagiyaat tatva Nunavut iluanit nuttaqqat uvalu inulramiit nauvallianiaktut qayangnaittumi uvalu nakkutqiyamik inuhiqqattiaklutik, Inuitlu nakuattut inuhiqqattiaknahuaklutik ayurhakpagaluaklutik, ihuatqiyamik innunahuakpangniaktut uvalu nakuattut innuqqattiqqatiarahuakpaklutik."

Hamna NSPS parnaiyautaat ihuarhaktauhimayuk naunaiyuttit karitauyakmi atturhugit, tatvalu nipingit atturhugit Nunavummiut. Hapkua parnaiyautigiyait illitkuhittuqqannik atturhuttik, huuqlu inminnikahuaqqaqat qanuqlu inminniqtailitjutirhaqqaqat tatvalu 8-nik havariyauyukhanik tunirhimatjuttuqqaqat ikkilivaaligumavlugit inminirahuaknik Nunavumi.

Hapkua tittiraqhimayait 8-guyut tunirhimatjutait tatvalu qanuq havariyauniakmangat illikut attauhiqqattaqlugit ihumagiqqattaklugit havarhattik.

Tunirhimayut 1: Ukkua Nunavut Kavamatkut ihumarhutigittiarraqqat hamna inminirtailinnik.

- Una **Tuhaktiitjutirhak Maligarhak** ihuarhaktauhimayug attiliuqtauvluni tatvani Masi 31-mi ikkayugpalliutirhaitnik inminiiktaititjutirhanik hapkua havakviuyut katimayiyutlu nunaliitni. Una Maligarhak naunaitiarhimayunik tiitiraqhimayug hapkuninga illitturitjutikhanik kina inuk inminiryumaluttik ihumarhutiqqaliqqat tatvalu ihumagiyanik tuhaktiittiyagiaqqaqat una appirihimaitumik. Hapkua maliraqhat attugayut ayungittut havagiyait maliqavulgit tatvalu kittut Nunavummiut piyunnauttait kangunnaqtuqqut atturhugit. Una Maligarhaq ihuarhaqtauhimayug tatvani 2013/14-mi. Ukkua havarhittauhimayut katimayit havaqqarmiyut ihivgiurhugit hapkua Maligaarhat ihuarhivaligahuakhugit. Una nutanguqtauhimayug maligarhaq tuyuqtauhimaliqtuq tatvuna Kangunnaqtuliqiniqut Kamisinamut ihivgiuqtarhanniq tatvani Fapyuali 2014-mi. Niriugiyauyug attiliuqtauvluni 2014-15-mi.
- Innikiliurnik ihuillutauyuk nalunnangituk inuup innuhiannut, ilaliuttilugu hamna ihummamut. Uqqautigivlugu hamna innikiliurnik ayurhautaata ammihut Nunavummiut, hapkua ikkayugtigitkut tunnirhihimayut ammigaikpalirumayait iglurhat maniit ayungnangitpat. Taimatut hapkua ikkayugtigiiktut huli aivaqqatigihimaakumayat ukkua kavamatuqqatqut mannirhanik iglulurutikhanik ikkilivaaligiangita iglukkiliuktut Nunavummiut.

Tunirhimatjut 2: Ukkua Ikkayugtigiiktut ihuarhivaligumayait hapkua ihummakut anniarutauyut, ihumagiluarhugit ikkayutirhait illiitkuhiktutirhat munarittiaknikut.

- Ihumakkut anniakutikaktunik ikkayuktirhat nanilikak Nunavumi ammiraipaliknialiktut talimanik nuttanik ihummakut anniaktunik havaktiqqalikluttik nunaliitni Qikiqtarjuami, Kimmrutmi, Aujitumi, Qaujuitumi, Iqalunnilu tatvani 2013/14-mi, tatvalu angmarhivlutik 12-nik iglililmik innukakvirhamik mamihakvirhamik tatvani Ikaluktuttiami, atturhutik tatjakaffuk Kavamatuqqatqut ikkayutaitnik.
- **Akasisarvik Ihumakkut Anniaktut Mamihakvirhaat** angiklivalirhimaliktut tatvani Masi 2013-mi tatva nuttittauhimagamik tatvunga innuqqaqviuhimayummut (Tammaativvik). Una angiklilaruttaat ilaliuttimayut hapkuninga 6-sinik igliknik, havaktirhakpalikhutik ikkayupalikniakmata annikattaktunik tatvunga. Tatjauyug Akasisarvik 16-nik iglikaktuk, attuqtauvaktut hapkuninga:
 - tatvannitagiakaktunut uvalu anninagiakaliktunnut
 - tatvanirhakhimayunnut kihiani huli aullayagiakaktut
 - Tatvanipkaktuayut kihiani anninagiakaliktut iglurhakaligumik.
- Akasisarvik nakurutauvalialiktuk ikkilivalialikmata hapkua hilatanut Nunavut ihummakut anniaktut aullaktiitauqqataqtunik. Januari 2014-mi kaffiuyut hapkua anniaktut nuttittauhimaliktut tatvunga Akasisarvik-mut anniakvikmin tatvani munariyauniakmata ihummakut anniakutaitnik mamihaknikutlu, taimatut aullaktiitaungitangita kaffit hillatannut Nunavutip mamihavikmun. Tatvalu, Akasisarvik-mungaktiitauvaliktut hapkua hillaktanningaktut, kihiani iglurhakanginnamik uvalunin ikkayuktirhakangitnamik nunamingni.
- Una havarhaat ukkua **Illiakjuut Inminirhimayuniit Ikkayuktiit** ihuarhaktauhimaliktuk Iqaluitni. Ukkua Katimayit aullarutihimaliktut ihivgiurhiyukhat illitkuhiktutirhanik makpiranniq ihuarhaktautinnagit.

- **Ukkua Nunavumi Kamatsaqtut Ikkayuktiit Hivayautikut** tuniyauuffaktut ikkayuttirhaitnik 2013/14-mi.
- Aanniaqtailinikkut Havakvia aulahimmaqtuq tunihipluni maniliqtuutikhainnik ukununga Embrace Life Council-kunnun.
- **Nunaliitni Pittailinnikmik Uktutauyut (CIO)** attuktauqattaqtut illiitkuhiktutirhannut hapkununga kattangutiginnut pittiaктаungittunnut.
- Una illihauttirhak makpiraq inniktauhimaliktuq attuktauurhak hapkununga nuttanut ihummakut anniaktunik havaktinnut una attiqqaqtuq Ihumakkut Anniaktut uvalu Arhuqquᑕtauuyuq: Una Nunavumi Ihumagiyauyuq. Una illihautauyuq illiitkuhiktuttinnik qauhiyautauyuq uvalu Inuit pitquhittuqqaᑕnit hapkuninga ihummakut anniaknikut. Hamna ilihautirhak aullarutauniaktuq tatvani 2014/15-mi.
- Ikkayuqqaᑕtigivlugit United Way Centreaide Canada hamna karitauyakut Nunavumi ikkayutirhak hannayauhimaliktuq, ilaliutihimayuuq Kanatami 211 ikkayutaitnun karitauyakut, attuqᑕtauniaktuq aullarutikhainnik haffuma **Nunavumi Ikkayutauvluni Naunaipkut** upinngaghaqqat 2015-mi. Ublumimut avatkuhimalikᑕtut 1,000 naunaipkutiit nunaliitni ikkayutiit (illaliutivlugu ihumakkut anniaknik). Kakugunukat hapkua ikkayutirhat ayuqnaikpalikniaktut pakillugit. Huli una naunaipkut naunaiyautauᑕniakmat ayurhautauyunnik uvalu parnaiyautigilugit hapkua illikut nunaliit.
- Nuttakanik anniktiginnikut Illihauttirhat ayungittunik illihaihimalikᑕtut ikkayuqniaktunik nuttakannik kattanguttiniklu, hapkua innulikiyuyut, pallihimat, ilihaktunnik ukkautjjiyuyut, munnarhinnik, taktinnik, appirhuiyuyunik, ahianniklu. Avatkuhimalikᑕtut 80-guyut inuit illiharhimalikᑕtut nanilikak Nunavumi ublumimut. Hamna illihaknik naunaiyautauᑕniaktut illiiturhaitjutauluni nuttakannik anniktiriyunnik, illiiturivalliutauniakmat nuttakannik appiruitjutinnik.

Allat ajikuttauuyunnik havagiyauyut:

- “Igluliuqatigilauqᑕa: una Nunavut Kavamatkut Hivunnirhamut igluqqaqniqmiq uvalu Angilraqangittuniq Parnaiyautauyuq” Tittiraqhimayuuq pinnahuaruttikhainnik igluttarutikhainnik uvalu ikkayuttirhainnik hatkitivalirutikhainnik munarivaliuttikhainniklu, ilaliutilugit nayuraqhaitnik hapkua anninagianikᑕtut ihummakut anniarhimayut munarhikakvikmin. Ikkayuktigiktut havakatigiktut iglutarutikhaitnik.

Tunirhimaᑕjut 3: Ukkua Ikkayuktigiiktut ikkayukpalikniaktut inuramiitnik ayurhaktunik innuhikmikut anniktauhimayuniklu ihummamikut.

- Hivuagut uqaᑕtauhimayukᑕtut, hivulliqpaaq havakᑕtauniq hivuliqᑕtauuyuuq atuqᑕhugu Red Cross-kut **RespectEd** annikᑕtailinnikut havariyauyuq Qamanittuaqmi, Kinngaitni, Kangiqᑕugaapikmilu tatvani Saptaipa 2013. Parnaiyaqᑕpaliayut illihaktiitinnik nunaliitni ikkayuqᑕturhainnik Iqaluitni, Tikkiraqjuami, Urhuqᑕumi, Taloyoami, Sallitni, Naujanilu havariyauhimalikᑕtut 2013/14-mi.
- Attauhikmik pingiaknikmik illihakutauhimayut **nuttakanik nulliaknikut katimatjutikahutik** Masi 2013-mi.

- Havarivaligumavlugit hapkua Nipligiaqaqniq havagiyauhimayuq 2012-mi, huli havagiyauhimaakniaktaat illihaktiittivaligahuaklutik ihumakkut anniakutiqaqtunniq, anniktauqattaqniqlu.
- **Nunavumi Inuramiit Kattitarvikhaitnik Naunaiyainnik** - Naunaiyahimayut hapkuninga Inuramiit Kattitaviitnik uvalu ikkayutirhaitnik Nunavumi nunaliitni naunaiyakpaligumavlugit hunauvat hatkirhimayakhaita inulramiit atturaqhaitnik Nunavumi. Hamna havagiyauyuq hatkikpaligumavlugit uvalu ikkayupaligumavlugit inuramiit havagiyarhait nunaliitni.
- Nunaliitni hapkua katimayiyut havarhimaliktut, tatvalu havarihimaakhugit hapkua **inminiiktailitjutirhat uvalu ikkayutirhait ihumakkut anniaktailitjutirhait hapkua Inuramiit.** Uktutigilugit hapkua: Innulikiniq ihumakkut illihaknik, nakkuattut innukatigittiaknik, inulramiit ikkayukatigiiknik, nakutkiyanik appirhuiyiit havarhait, uvalu manikami mammihauttirhaitnik havarhat.
- Havaktiuyut tatvani Pitquhiliqiyikkut, Inirnighanun Inulrammiinnunlu havakvia, huli ikayurhimaaktut ihuarhainikut **inulramiit katimayirhaitnik.** Havarhat ikkayutirhait tuhaktiittivaliuttirhanik inulramiitnik, illiitagihimayait kittunik maliqayarhaitnik uvalu hivulikturhanik, uvalu hatkitinnahuakhutik nakuattut uktutirhaitnik inulramiit ikkayugtigivlugit hapkua Inniknigit uvalu Inulramiit havagianiaktaitnik.



Ilihaktut tatvani Saptaiqa 2013-mi Pitiaknikut Illihaihimangmata Kamanikjuami.

- **Qayangaitumik Ilihakviuyuni Parnaiyutait Aullarutihimayait:** Ikkayuktigivlugit ukkua Kanatami Red Cross-kut, ukkua **Qayagilluhi!** Nulliaknikut anniktiginimik pitaillinnik ilihautirhait ukkua ilihaktut ilihalihaktut Kuliriqnut 4-mut uvalu ukkua **Pitiaknik** anniktailinikut pittailitjutirhat havagiyauhimayut ilihakviitni Kangirhugapikmi, Kinngaitni, Kamanirjuamilu. Hapkua ilihautait hatkiutihimayait Nunavumi nuttakkat uvalu inulramiit ilihaktiitugit kayangnaipkutirhaitnik anniktailitjutirhaitnik. Nunaliitni, una **Kullitnik Apluktaknik Ilihautiit uvalu Ikkayukatigiknikut Havagiyauyut** aullarutihimayut Iqaluitni, Tikkigakjukmi, Urhuqtumi, Taloyoakmi, Saliitni, Naujani ilihaktiitjutirhait nunaliitni ikkayuktirhanik hapkua nuttakkat uvalu inulramiit ayurhaktut.
<http://www.redcross.ca/what-we-do/violence-bullying-and-abuse-prevention/courses/ten-steps-to-creating-safe-environments>)

- Una Qayangnaitumik Iihaknikut parnaiyutait hakkugirhivalikhimaliktuq havakatigivlugit tamaita Nunavumi Iihakviit. Hamna havaak ilaliutihimayug munarhiyiqahuttik upallunnaktiitlugu qanugiliyuqaqniqqat ilihainnahuarhuttik anniktigiliitaitjutirhanik ilihakviup illuani hillatanilu.

Tunirhimaqtut 4: Ukkua Nunavut Kavamatkut hatkittiqqataqniaqtut inminiqtailitjutirhatigut ilihautirhanik tammam uvalu arhuqutigilugit.

- Tatvani 2013/14-mi, hapkua 433 Nunavummiut ilihaktitauhimayut hapkuninga **“Uqaqatigiilu/Let’s Talk about it”**, Iihaknik Inminiiktailinnikmik Ayuirhakhutik Iihaknik (ASIST). Hamna ilihaknik hatkittiitiyuq hapkua pikatauyut illiitpalikniakmata illiitagiayamini uvalu ikkayurahuaklugit hapkua Inuit ayurhaktut inminirumaniakhimayut.
- Ihumakkut Aanniaqtailinikkut Hivullit Ikeyurutikhat ayuirharniit aulahimayut pipkaiyut 2013/14mi. Pipkaiyi uumani pinahuarutimi una Ihumakkut Anniaktuliqqiyiita Katimayit Kanatami. Upliumiutamik titiraqhimayut titiraqqaqhimayunun ayuirhaiyinik iluani Nunavunmi hailihimayug qaritauyakkuurutimikni.
- 2013/14mi, Tamaat-Ukiuqtaqtumi Pinahuaruti havaktauliqtug pivallialiuqnikkut uuminga **Ihumakkut Aanniaqtailinikkut Hivullit Ikeyurutikhat ukununga Ukiuqtaqtuni Inungnun Iliharutikhaq**, aallanguqtiqhimayug uuminnga Ihumakkut Aanniaqtailinikkut Hivullit Ikeyurutikhanik.

Tunirhimaqtut 5: Hapkua Ikkayuqtiuyut ikkayurhimaakniaktut naunaiyautirhanik illiitpaliutirhannik inminiqataqniqqut Nunavummi Ikkayutaitniklu hapkua inminiqtailiitjuttauyut.


- Una **“Qaujivalliani Inuusirijauvalauqtunik”** naunaiyauttauhimayug aullarutauhimayug June 2013-mi.
- Una **Naunaiyautauhimayug nutakkanik nulliaknikut qayangauttauyug** inminirumanniaktunnut, piqqatauyumayunik uvalu ammigaitpalaliktunik innulramiit higarluknikmik naunaitaktauhimangmata June 2013-mi.
- Palihimat kimilruquttikhait ihuarhihimaliktut tiitiraqqatagiangita **tuhaktiitjutirhanik hapkuninga inminirahuakhimayunik** Nunavummi tatvalu naunaiyautaitniklu Palihimat kiuqqatautaitnik inminirahuakhimayunik.
- Ukkua ELC Karitauyakut uvalu NSPS Partners Clearinghouse aullarutauhimayug May 1,2012-mi tatvalu nuttaguktiitauqqaqtut.

Allaat ajikutauyut havariyauyut:

- Havakatigivlugit ukkua Laval-mi Illiihakpaliriuuq, ukkua Nunavut Kavamatkut ikkayurhiutiyyut haffuminga naunaiyainikut havarhanik kimilruqutikhanik ayurhautauyunik nuttirinnimik innikiliuqtunniq igluut innuriaqpallaqniqqata Innuknun anniarutaungmat, ihumakkut anniakniklu.

Tunirhimatjut 6: Ukkua Ikkayuqtigiiktut tuhaktiitigiqtut uvalu tuhaktiitigattaqluttik Nunavummiunik kinguvautihimaitumik.

- Tamaita ikkayuqtigiiktut kagitauyakut tuhaktiitjutiqaqtut: Kayangaknikut Munaritjutikhanik inminiqtaiillinnikut, Inuhikatiaknikut, Ihumarhuttikut, Irhittaknikut, Hirhaqluknikut Immiknikutlu, Katangutimingnik Anniktiginnik, Angayuqqanguyunik Ikkayutiit, Qaaktunnik Ikkayuqniq, ikkayutiit ilihagiaqqarhimayunik taimani Nunavummiut ayurhautiqaqtunnuq ilihagiarhimayunnik.
- Ikkayuktiuyut attuqniaqtut karitauyanik tuhaktiittitjutigilugit innuknun.
- Naunaipkutiit hannayauhimayut atturaqhait tamaita nunaliit tatvani May 2013-mi. Hapkuulu Kipliktut tuharaqhat tujuqtauhimayut tamaitnun nunaliitnun May 2013-mi.



- Hitamat tuhaktiitjuttit aullarutauhimayut tatvani 2013/2014-mi ikkilivalianahuaklugit hapkua ayurhauttauuyut: ihumakkut anniakutiit, irhittaknik, anniktiginnik uvalu immingaknaktunik ayurhautiqaqniq.
- Una tuhaktiitjutirhannik parnaiyautauyuq ihuarhaktauhimayuq ihumagivlugu una NSPS tuhaktiitpaliqquvlugit Nunavummiutnun 2014-mi tatvalu hivummuvaliauyut.

Allaat ajikutait havariyauyut:

- Nunavumi Katimatjutauyut Qaaqtailitjutirhanik nunaliitni katimaqaqtaqhimayut tuhaktiitaiqqattarhuttiklu makpiralliukhutik 2013/14-mi. Una Makimaniq Parnaiyutaat, ihuarhaktauvalliyuq Katimatjutauyummut, uqqautauvaliatiitlugit hapkau ammihuyut ayurhautauyunik inminiiqtaillinniqut ilaliutivlugit hapkua: mammihaknik, ilihaknik, nikkikatiaknik, igluqqaqniq uvalu ullasiqqattaqniq, nunaliitni pivalianik, nunaliitni ikkayuqqatigiiknik.

Tunnirhimatjut 7: Nunavut Kavamatkut ikkayuqniaqtut uktutirhanik innutiarhutikhaitnik innuhannuit ilihautirhaitnk.

- Havaktirhaqalliktut ihuarhaiyukhanik Inuit illiitquhiitnik ilihautirhaitnik nuttaqqiqiviuyuni.
- Una pakpiraq ihuarhaktauhimagyuq 2013/14-mi atturaqhaitniq nunaliit piqqatauyumayut ilihaiyumayut ihuhat kikliqaqlugit tallimanik ukkiukaktunik. Una makpiraq ilihautauyuq parnaitjutinnik, ihuarhautikhanik, innuliqiniqut, ilihakpalikutirhanik, qatangutiriit nunaliitlu huliitjutirhaitnik, manirhanik ikkayuhiakutirhanik, havariyauyunik munarhinnik uvalu naunaiyainnik.
- Una Ingummannikut (PPD) illihaitjutauyuq ihuarhaktauhimagyuq attuktauyurhak Nunaliitni Hingaiyut Innutiarutikhaitnik (CPNP) illihautauyuraq nanilikak Nunavumi. Una illihaitjutirhak pitjutauyuq inmiknik munaritjutikhaitnik, ayurhautimingnik annirutikhakhiuknik uvalu nuttanik nuttaqqiuqtunnik ilihaitjutirhaitnik illiiturhaitjutikhaitnik hapkuninga PPD-nik ayurhautiqaqtunnik. Hapkua CPNP-nik havaktiuyut ilihaktiitanniaktut hapkuninga ilihaitjutirhanik ukkiurhami 2014-mi.

Allat ajikutait havariyauyut::

- Innikilliuknik ihuilluttauyuq tamaitnun innuhikmut, ilaliutilugit lhumakkut anniakutauyunnut. Ihuarhagaluaklugit hapkua ammihuyut innikilliuktut Nunavummiut, ukkua Iglulikikuakut NHC-kut tunnirhimayut huli iglukhanik ammiraighivaligumavluttik manirhat ammirangittuaqata. Taimaitmat, ukkua NHC-kut huli aivatjutigihimaaktait igluutaqpaliayumavlutik, hapkua ihagiagiyauluaktut iglukiliuknik ikkilivaligumavlugit Nunavutmi.
- Havakviat ukkua Qatangutilikiyiit ihuarhaktauhimagyuq Appu 2013-mi, ikkayuktigirhuttik hapkua havakvigiyait Ilihaktulikiyiit, Anniaktulikiyiit uvalu Inulikiyiit, Atanguyat uvalu Kavamalikiyiit, Pivalialikiyiit uvalu Ingilralikiyiit, Havaktulikiyiit uvalu Nunavut Iglulikiyikuakut. Ukkua Qatangutilikiyiit hatkikiitihimagyuq ammihunik ikkayutirhanik inulikinikut kayangaitkutirhanik, ammiritjutikhaitnik kittut happumiaktauyagiaqqaqtut, tatvalu ihuarhaktauhimagyuq hapkua Nunavummiut ikkayutirhait innutiarutikhaitnik. Nuttaqqiqiniqut, tiruaqnikut, inuliqiniqut ikkayuqniq, qaaqtailitjutirhanik, qatangutigigitnik anniktailitjutirhanik, ullasiknikut, havarhakhuknik uvalu ikkayuhiakutirhakhuknik ilihakpaligumayunnik hapkua havagiyauvallialiktut tatvani nuttami havakvikmi.

Tunnirhimatjut 8: Ukkua Ikkayuqtigiit ikkayurunnaktut nunaliitnik huliluqqaruttikhainik.

- Mapigaliurhimayut uvalu tiitikat tuyuktauhimaliktut pitjtauuyut hapkuninga NSPS-kunik tamaitnun nunaliitnun Nunavumi.
- Tavani 2013-mi 2014-milu Urhuqtuuq, Ikaluktutiak, Kamaniryuaq, Iqaluit, Kinngait, Kangirhinniq, Naujaat, Qikiqtaruaq, Taloyoak, Salliit, Tikkikajuak, Kangirhugapiklu uppaktauhimayut tuhaktiitauyagiakturhugit uvalu hapkua nunaliitni inuit timigiyauyutlu ikkayuqtigiyumavlugit iuharhaitjutikhainik hapkuninga NSPS parnaiyautaitnik havagiyauyurhanik.

Allaat ajjikutait havariyauyut:

- Una hivullikpak Illiitagiyauihimayuuq Katimatjutaat tatvani Nunavumi katimatjutiqaqhimangmata Niqqailuqniqqut nutqaqtiitivalianik maliqqavulugu una angirutauihimayuuq Niqqailuqniqqut Nutqaqtiitivalianik Maligak Iqaluitni june 2013-mi. Katimakatauyut angirhimaat hamna Makimaniq Parnaiyaut atturumavlugu tallimanik ukkiunik Qaaqtaillitjutikhanik havariyumavlugu, ihumagivlugit pingahuyut hapkua: mamihaknik innutiarutikhaniklu; Hamna attuktauqqattartukhak nuttaqqiqiniqut (Inunnguiniq) ihumagivlugit hapkua nuttaqqiqiyut; hamnalu allanguriaqqaaqtuq ullasikkatautirhait atturhaukattakninga.
- 2013/14-mi, una parnaiyaut aullarhutauihimayuuq igluliqqiniqut maligauyuuq, ilaliutivlugit ikkayutirhat innutiarutikhamut, ahiagutlu igluliqqiniqut parnaiyautiqhat irhagiattivallaknialikmata iglukitliukpaliayut.
- Una Hiqquhillinnikut kayangaikpaliuttirhat aullaartauihimayuuq 2012-mi. hapkua kirhaitnik hiqquttiit hatkiummaliktut tamaitnun Nunavummiutnun, tuhaktiitjutirhatlu tuhaktiitjutauihimaliktut nallauttikut, kayangaikpaliuttirhanik ilihautirhanniq hiqqutiqaqtut laisirhaktatikhaniklu, ilihautirhaitniklu sikkuktut nunaliitlu ilihakpaliuttirhaitnik. Hapkua ihumarhutauiyurhat nunaliitnun kayangnaitpaliuttirhat hiqquhiqqiniqut.
- Nunaliitni Anniaktailitjutirhanik uvalu Innutiarutikhanik Katimayigalaat (CHWC) huli ikkayuqtauhiimaaktut 2013/14-mi naunaiyagahuarhugit hapkua hivuliutiyurhat havarhat. CHWC-kut havaakaktut tamapkiumavyarhugit nunaliit, hapkua nunaliit Qaujuittumi, Ajujuittumi, Kangirhinniqmi, Sanikiluaqmi, Urhuqtumilu havagilikpaliayait hapkua CHWC-kut 2013-14-mi. Nunaliitni Anniaktailitjutirhanik uvalu Innutiarutikhanik Katimayigalaat Ikkayutirhait iuharhaktauhimaliktuuq aullatjutirhaitnik hapkua CHWC-kut tuniyauhimayut Masi 2013-mi. Havaktiqaqlirhuttik 2013/14-mi.

Tikitpaliayut:

Hivulikpaak hamna parnaiyautirhaq huli kikliqqaqniaqtuq Masi 31,2015-mut. Tatvani ukkiumi, naunaiyautaukiaktuuq hamna parnaiyautaat. Ikkayuqtigiiqtut huli havarihimaakniaktaat hapkua havagiyauyut.

Ikkayuqtigiit illauyit tamaita tunnirhimayut aiparhannik hapkua NSPS-kut parnaiyautirhannik, huli ilaliuttihimaakumavugit hapkua ikkayuqtirhat katimayiuyut uvalu nunalit. Hapkua ilihautauhimagut tatvanga 2011-min 2014-mut parnaiyautaitni ikkayutaunniakmata tuhaktiitjutirhaitnik uma aipparhatta havariyauniaktup.

Ikkayutigiit huli tuhaktiitaiqqattaqniaqtut uvani ukkiumi taimatut Nunavummiut kauyimaligiangita hapkuninga havagiyauhimaaktunnk. Ilaliutilugit hapkua tiitiqqat tuhaktiitaitjutirhat. Ilaliuttilugit hapkua tuhaktiitjutirhat tiitiqqat tiitiraqqaqviqmut illiurapkaklugit tamaitni nunaliitni Nunavummi ukkiuarhaq tatvalu makpigat hapkua tuyuqlugit tamaitnun Hamalatnun nunaliitni.

Ukkua ikkayuqtigiiqtut illiitagiymayait hapkua arhukugurhuttik inuit, timiuyut nunaliitlu havattiakmata tamaitni nunaliitni Nunavumi. Hamna inminnikkattaknik ayurhauttauluakmat allatkinnik innulikkittuttinnik pitjutiqqaqmat, taimatut havaqqattigiitiagiaqatugut. Taimatut havaqqattigittiagupta anniruqpallianiaktugut.